

Date – 15/05/2024

Time - 7:30 -7:40Hrs

REGIONAL NEWS BULLETIN

HEADLINES (MORNING)

1. School Education Minister Dr Vanlalhlana chuan kumin HSLC Exam-a zirlai pass awm lohna sorkar sikul-ah te hma lak a nih tur thu a sawi.
2. Nimina MBSE-in Matric result a tihchhuahah exam zawng zawng zinga zaa 73.37 an pass.
3. Chhatisgarh-ah Maoist hel mi 30 sawrkar kutah an inpe.
4. Sawrkar mi leh sa anga dawta lemchang thinte lakah fimkhur turin sawrkar laipui chuan mipuite a chah.

<><><>

EDUCATION MINISTER

School Education Minister Dr Vanlalhlana chuan kumin HSLC Exam-a zirlai pass awm lohna sorkar sikul-ah te hma lak a nih tur thu a sawi.

He thu hi nimina a pisa a Chanchinbu mite nena inkawm hona an neihah sawiin, Education Minister chuan zirlai pass awm lohna sorkar sikul te chu Directorate of School Education lamin a chhan chiang taka an zawh tur thu leh chuta tanga hmalak a nih tur thu a sawi a, zirtirtu indaih lohna sorkar sikulah pawh a theih ang ang a zirtirtu sem rual an tum thu a sawi bawk.

Chanchinbu mite zawhna chhangin Minister chuan sorkar sikul chu a mamawh apiangte sikul a nih angin, zirlai naupang sorkar sikul a lut duhte entrance exam hmanga thlan an nih ve loh avanga zirlai a thiam thiam lak an nih thin loh thu a sawi a, chu chuan kawng eng emaw chenah result pawh a pawh fual thin thu a sawi bawk.

Dr. Vanlalhlana chuan session tharah pawl 9 leh pawl 10-ah te ‘intodelh’ inzirtir an tum thu a sawi a, vocational education lamah pawh nasa lehzuala ke an pen tur thu sawiin ZPM Manifesto a tel, UPSC Grooming lam hawi zawnga hma an lak tan tak tak tur thu leh zirlai pawl sawm pass-tawhte chu he UPSC Grooming hmanga pawl 11 atanga an chher tan tur thu a sawi a, Mizoram Education Service chungchang pawh sawiin Mizoram Education Reforms Committee kutah a awm mek thu a sawi.

Education Minister chuan Matric exam pass ta zirlaite chu a lawmpui thu leh hlawhtling ta lo te pawh beidawng mai lova, exam lo awm leh tur atana an theihtawp chhuah chhunzawm zel tura a duh thu a sawi bawk.

<><><>

MBSE

High School Leaving Certificate (HSLC) result Mizoram Board of School Education-in nimina a tihchhuahah exam zawng zawng zingah zaa 73.37 an pass. HSLC result chhuakah khan nikum aiin zirlai pass an thahnem zawk a. Nikum khan zirlai HSLC Exam hmachhawn zingah zaa 71.14 an pass a ni.

HSLC exam result chhuakah hian pakhatna chu Lalmoipuia Lawmzual chu 1-na a ni a, pahnihna chu Vanlalmuanpuui, St. Paul's Higher Scondary School niin pathumna chu H. Lalsangpuia, St. Joseph Higher Secondary School a ni a, a titha zual 10 ah mi 14 an lang a ni.

Kuminah hian exam beitu hi zirlai 18,561 niin zirlai 13,618 in an pass-a. HSLC pass thar te hi Distinction-a pass mi 1,332, I Division-a pass mi 3,801, II Division-a pass mi 5,564 leh III Division-a pass 2,921 an ni a, II Division-a pass an tam ber a, I Division-a pass in an dawt a ni. HSLC pass thar te hi hmeichhia 7181 niin mipa 6437 an ni a. Kumin HSLC exam-ah hian zirlai 4,837 in hlawhtlinna an chang thei ta lo a, compartmental chance pek zirlai 106 an awm bawk a ni.

Result tihchhuah a nih veleh MBSE Chairman Pu JH Zoremthanga chuan MBSE pisaah chanchinbumite kawmin tluang taka an ruahman anga result an tichhuak thei chu High School zirtirtute inpekna leh thahnemngaihna vang te, Educational department pumpui tanrualna avang leh MBSE thawktute thawhrimna rah bakah an thawhpui department hrang hrangte inpekna vang a ni a ti a. Kumina compartment 106 awm te chu admission an tlai loh nan exam buatsaih thuai a nih tur thu a sawi a, MBSE syllabus chu CBSE syllabus nena a in an tlan thu leh exam ruahman dan chungchangah erawh hmasawna tur a la awm avangin Board-in ke a pen zel thu a sawi.

Pu JH Zoremthanga chuan kumin exam-ah zawhna har zawng tehnaa a zangkhai deuh, LOTS zawhna zaa 60 leh a bak zawng zaa 40 chu tlema har deuh Application leh HOTS atanga siam a nih thu a sawi a, zirnain hma a sawn zel nan HOTS zawhna chu telh tam deuh deuh tura ruahman a nih thu a sawi a ni.

Zirlai pawl pahnih MZP leh MSU te chuan zirlai hlawhtling te an lawmpui thu thuchhuah siamin an sawi a, MSU chuan HSLC result chhuakah zirlai fail vek school School 18 an awm chhan lian ber zingah zirtirtu indaih lohna a nih laiin School thenkhatah chuan zirtirtu inthlahdah vang a ni tih an zirchian thu an sawi.

<><><>

NEW MPSC CHAIRMAN

Mizoram Public Service Commission Chairman thar atan, Pu R Lalramnghaka chu sorkarin a ruat.

Pu R Lalramnghaka hi MCS officer a ni a, IAS ah confer a ni a, sorkar hna a thawh chungin Aizawl DC hna leh dept hrang hrang secy hna te a chelh a ni.

<><><>

KVK

Khawzawl KVK chuan Sialhawk Community Hall-ah Serthlum chin leh enkawl dan zirtirna nimin khan an pe a. He hun hi Serthlum Growers Society

Sialhawk te huaihawt niin Serthlum chingtu mi 35 an kalkhawm a. Dr. Malsawmkimi, Senior Scientist & Head, KVK Khawzawl chuan kaihruaiin kalkhawmte hi zirtirna a pe a ni.

Sialhawk khua hi in 500 vel niin chhungkaw 100 velin Serthlum hi eizawn nan an ching a, kum 2023 chhung khan serthlum an chin atangin nuai sawmsarih vel an la lut a ni.

Thawhtanni khan Neihdawn khuaah KVK Khawzawl te hian Indian Institute of Horticulture Research-North Eastern Hill Region (IIHR-NEH) te nen tangkawpin Tomato Growers, Neihdawn te hnenah Tomato chin leh enkawl dan zirtirna an pe bawk a. Dr. Malsawmkimi, Senior Scientist & Head chuan kaihruaiin Tomato chingtu mi 74 an kalkhawm a ni. Kalkhawmte hnenah hian Tomato chi sem chhuah a ni a, National Center for Integrated Pest Management (NCIPM) hnuaiiah Tomato enkawlina tur damdawi pek an ni bawk.

<><><>

LADC

Lai Autonomous District Council ah United Legislature Party hruaitu, South Lungpher bialtu MDC, Congress Member Pu C. Lalmuanthanga chu LADC Chief Executive Member atan Lawngtlai DC Pu Cheemal Siva Gopal Reddy an nimin khan rinawmna thu tiamtirin a lalut.

Lakluh inkhawm LADC Hall-a neihah hian CEM thar Pu C.Lalmuanthanga chuan a kaihhruai Sorkar a piantheih nan a hmalatute chungah lawmthu sawiin, Governor leh Chief Minister hmalakna chu fakawm a tih thu a sawi a, LADC ah huapzo, mipui sorkar kalpui a tum thu a sawi bawk a, langtlang taka Sorkar kalpui chu a tul tih thu sawiin, LADC Budget ringawt chu inngahna tham a nihloh vangin hmasawmna huamzauzawk dapchhuak tura tanlak a tul tih sawiin, helam hawi hi ngaih pawimawh zingah a telh tur thu a sawi.

CEM thar chuan Lai mipuite, Kohhran leh Tlawmngaipawl te, Chanchinbumite chu ram hruaina ah a tulna apiangah thurawn pe a, khalhngil a ngaih pawha neitu chanchang turin a sawm a ni.

CEM thar hian Deputy Leader atan Lungtian bialtu MDC, Pu Sanghuliana a ruat thu a puang a, a thawhpuitur Executive Member dangte pawh a tihfel thuai a rinawm.

Puantawh thin angin LADC ah hian March 7, 2024 atangin Sorkar mumal a kaltheihloh hnu ah Congress MDC pakhat leh MNF MDC 12 ten United Legislature Party dinin, Pu C.Lalmuanthanga kaihhruaina hnuaiiah LADC ah Sorkar thar a piang chho ta a ni.

Chief Executive Member thar hian nimin khan a Office luah nghalin Pathian hnen ah inhlanna hun hman a ni a, hemi hnu hian Lai District Congress Committee Office leh MNF District Hqrs Lawngtlai Office a tlawh nghal.

<><><>

MAOIST

Chhatisgarh-ah Maoist hel mi 30 sawrkar kutah an inpe. Bijapur district-ah Maoist hel inpe zinga pakua hi an lu man belhkhawm cheng nuai 39 lai a ni.

Kumin January thla atang khan Moaist hel mi 180 Bijapur district ah hian man an ni tawh a. Hetihlai hian hel 76 chu sawrkar kutah an inpe a ni.

<><><>

CYBER CRIME

Sawrkar mi leh sa anga dawta lemchang thinte lakah fimkhur turin sawrkar laipui chuan mipuite a chah. Heng lemchang thinte hian police officer, CBI, Narcotics Department, Reserve Bank of India, Enforcement Directorate leh Law Enforcement Agency danga thawk lemah an chang thin a. National Cyber Crime Reporting Portal ah hetiang a inbumna hmanga sum inchhuh, in vau leh pawikhawihna dang tam tak an dawn thu sawrkar laipui chuan a sawi a ni.

Hetianga inbumna kaihhnawih hria chuan cybercrime helpline number 1930 ah emaw www.cybercrime.gov.in ah hriattir thuai turin sawrkar chuan mipuite a ngen a ni.

<><><>

PM MODI FILES HIS NOMINATION TODAY

Sawrkar laipui chuan Liberation Tigers of Tamil Eelam (LTTE) te chu kum nga dang atan helah a puang chhonzawm. Union Ministry of Home Affairs chuan thuchhuah siamin sawrkar laipuiin LTTE te chetdan thlirin ram zalenna leh himna ti derthawng thei an la nih avangin ram tana hlauhawmah ala ngai a. LTTE ten remna ti buai zawng leh inlahrang zawnga hma an la thin chuan India mipuite dinhmun hlauhawmah a siam a, hei vang hian helah puan chhonzawm an ni a ti. Sawrkar laipui hian kum 2019 May thla khan LTTE te hi dan kalha pawl dinah puangin kum nga chung helah a puang a ni.

<><><>

7TH PHASE ELECTION

Lok Sabha inthlan thawhsarihna chuh tumte tana nomination thehluh hun chu nimin khan a tawp a. State pasarih leh Union Territory pakhata Lok Sabha seat 57 ah vote thlak a ni ang. Inthlan thawhsarihna neihna turte hi Uttar Pradesh leh Punjab ah seat 13 ve ve, West Bengal ah seat 9, Bihar ah seat 8, Odisha ah seat 6, Himachal Pradesh ah seat 4, Jharkhand ah seat 3 leh Chandigarh ah seat 1 te an an ni a. Nomination thehluhte hi naktukah endik a ni ang a. Zirtawpni thleng inhnudawh theih ani ang. Inthlan thawhsarihna hi June ni 1 ah vote thlak tur a ni.

<><><>